




CHRYSOSTOMI
HOMILIA XXI
PER DYBVADIUM



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 987 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 987 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 987 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 987 4°

THESES

QUIBUS REPETITUR SUM-

ma vera & incorrupta doctrina, quam nostra

Ecclesiæ profitentur, de bonis operibus,

De quibus

Deo iuvante, pro licentia accipiendi Gradum

Doctorum in Theologia die 15. Iunij,

Disputabit Reuerendus &

doctissimus vir

M. IOH. PAUL. RESENIUS,

Præside

GEORGIO C. DIBVADIO.



H A F N I Æ

Impressit Mathias Vinitor,

1597.

Thesis 1.



*Am arcta est coniunctio iustificationis seu absolutio-
nis à peccato, & sanctificationis, seu mentis, volun-
tatis & affectuum renouationis, ex qua viui & nas-
tiui fructus proueniunt, qui vocantur bona opera, vt qui sepa-
rationem tentare velit, rem, quæ fieri non possit, moliatur.*

*2. Nam vt à Sole non potest seiungi lux, ab igne calor,
à vita sensus & motus, ita natiuitas cælestis, & studium ob-
temperandi Deo in operibus ab ipso præceptis, à iustificatione,
seu remissione peccatorum, & acceptatione ad vitam æternam,
non potest semoueri.*

*3. Et vt homo ad Deum ascensurus, & cum eo acturus,
sola fide nititur, omni sua dignitate, & propriarum virtutum
meritis exutus, & agnoscit se gratis, sine operibus, propter
Christum accipere iustitiam & vitam, quæ inde est, quòd ipsi
imputetur legis impletio, & pænæ commissis peccatis debitæ
persolutio, perinde ac si ipsemet legem impleuisset, & pro pecca-
tis suis debitas pœnas luisset: ita descensurus ad homines, &
se locum in Ecclesia habere ostensurus, edit opera nouæ obedi-
tiæ, quæ & priuatim ipsi testimonium perhibent, donatæ à Deo
iustitiæ, & publicè incurrunt in oculos & aures aliorum, qui con-
spectis & auditis his testimoniis, quæ lucent in tota vita, non
solum intelligunt ardere in corde flammam verarum virtutum
accensam à Spiritu Sancto: sed etiam exemplo nostro inuitan-
tur ad societatem Ecclesiæ, & ad amplectendam scientiam sa-
lutis, iuxta dictum Matth. 5. 16. Sic luceat lux vestra coram ho-
minibus, vt videant vestra bona opera, & glorificent Patrem ves-
trum, qui est in cælis.*

Cum

4. Cum ergò, extincto puro bonorum operum studio, certò statui possit, nullam subesse fidem, sed sibi falsa persuasione illudere homines, & spectrum, aut exanime cadaver, pro vera & viua Dei cognitione, salutariq; fiducia fouere, nihil rectius & ad inhibendam iram Dei reprimendamq; effrænem peccandi licentiam in sanabilibus accommodatiùs fieri posse videtur, quàm ut hanc utilissimam, & hoc corruptissimo rerum statu, quando vitia, virtutibus prostratis, probitatis fastigium passim occupant, planè necessariam de bonis operibus doctrinam, declaremus.

5. Sed ne videamur vel nouum doctrinæ genus comminisci, vel ostentandi ingenij gratia, methodum à fidis Ecclesiæ doctoribus seruatam, in hac explicatione contemnere, magni illius Philippi Melanchthonis & aliorum, qui doctrinam à Lutherò repurgatam fideliter tradiderunt, vestigiis insistentes, totam rem quinq; questionibus complectemur.

6. Dicemus ergò 1. quæ opera sint facienda. 2. Quomodo fieri possint. 3. Quomodo accepta sint, & placeant. 4. Propter quas causas facienda sint. 5. Quid sit sentiendum de peccatis, quæ adhuc in renatis sunt reliquæ.

7. Et ut appareat argumentum istis partibus contextum, non nimis latè diffundi, sed iustis terminis ac finibus cõprehendi, definitionem quæ ista membra omnia contineat, talem adferemus.

8. Bona opera sunt, quæ ex vera fide, iuxta doctrinam Legis diuinæ fiunt, ad celebrationem Dei, & nostræ erga eum gratitudinis significationem, à Spiritu sancto in nobis excitata, imperfecta illa quidem in hac vita, sed tamen grata Deo propter Christum, Vel, sunt actiones quæ in renatis, operante Spiritu sancto per fidem, secundum præscriptam Legis diuinæ regulam,

diriguntur, ut in illis glorificetur Deus, & inuentur proximi.

9. Hanc Definitionem nunc in eas partes, unde composita est, distribuemus, ut quid ad singulas quaestiones, quae supra posita sunt, verè responderi debeat, conspiciatur.

10. Vbi ergò de eo est interrogatio, ut intelligatur in quibus operibus humana vita, ne à scopo diuinitus constituto, vssiam aberraret, se exercere intus & foris, publicè & priuatim debeat, verè responderi potest ea esse, quae Deus sua lege praescripsit.

11. Atq; huc pertinet, quod in Definitione est, bona opera iuxta doctrinam Legis diuinæ fieri debere, cuius nostrae assuefactionis quam plurima adduci possunt ex scriptura testimonia. Inter alia haec quae subiiciuntur, admodum illustria sunt. Num. 15. 39. Non sequantur cogitationes suas, & oculos post quos fornicantur, sed memores praeceptorum Domini faciant ea, sintq; sancti Deo suo. Deut. 4. 2. Non addetis ad verbum, quod vobis loquor, nec auferetis ex eo, custodite mandata Domini vestri, quae ego praecipio vobis. Et 12. 28. Obserua & audi omnia quae ego praecipio tibi, ut benè sit tibi, & filiis tuis post te, in sempiternum, cum feceris quod bonum est & placitum in conspectu Dei tui. Et ver. 32. Quod praecipio tibi hoc tantum facito Domino, nec addas quicquam, nec minuas. Psal. 119. 105. Lucerna pedibus meis verbum tuum, & lux semitis meis. Ezech. 20. 18. In praeceptis Patrum vestrorum ne incedatis, nec iudicia eorum custodiatis, nec in idolis eorum polluamini, ego Dominus Deus vester, in praeceptis meis ambulate, & iudicia mea custodite, & facite ea. Esa. 29. v. 13. Et Matth. 15. 8. Frustra colunt me mandatis quae ab hominibus docentur. Matth. 23. 20. Docentes eos seruare omnia, quaecunq; ego mandauì eis.

Rom.

Rom. 12. 2. monet Apostolus, ut quisq; probet, quæ sit voluntas Dei bona, placens & accepta. Voluntas autem Dei ex verbo ipsius discenda & æstimanda est.

12. Verbum igitur suum proponit Deus, ut sit norma bonorum operum, & ita astringit ad illud verbum populi sui obedientiam, ut cultus electitios, & mandata quæ ab hominibus, opinione cultus, docentur, rejiciat.

13. Ac proinde rectè judicat August: cum lib. 22. contra Faustum cap. 27. ait, Peccatum esse dictum vel factum, vel concupitum aliquid contra Legem æternam Dei. Et Ambros: libr. de Paradiso cap. 8. Peccatum esse prævaricationem Legis diuinæ, & cœlestium inobedientiam præceptorum.

14. Nam ut nulli creaturæ fas est instituere cultum Dei, aut indicare opera, quæ pro cultu Dei præstentur, quacunq; intentione id fiat: ita grauiter peccant omnes, qui obtemperant legibus aut edictis quæ iubent facere contra mandata Dei, siue leges illæ ab Episcopis, siue Regibus, siue aliis Magistratibus, siue à Diabolo propositæ sint.

15. Atq; ideo impia est audacia hominum, qui comminiscuntur cultus proprio arbitrio, præter mandatum Dei, aut sentiunt se maiora & meliora opera facere posse, quam quæ præscripta sunt in Decalogo rectè intellecto, iuxta Christi, Prophetarum & Apostolorum enarrationem.

16. Nec difficile est respondere ad ea Argumenta, quæ afferuntur à patronis decreti concilii Tridentini, ad obtinendum quod illi, quibus commissæ sunt Ecclesiæ gubernatio, habeant potestatem quæcunq; proponendi, statuendi & præcipiendi, siue habeant mandatum & testimonium verbi Dei in Scriptura, siue non

habeant, ad quorum obedientiam obligata sit Ecclesia: vel ut eorum verbis utar, quod possit summus Pontifex cogere fideles, ut id credant vel faciant, quod ipse iudicauerit, quod ipsum, seruata proportionem de Episcopis cæteris intelligatur. Et quaerimus, inquit Bellarminus lib. 4. de Romano Pontifice cap. 15. an ille habeat veram potestatem in omnes fideles in spiritualibus, ut habent Reges in temporalibus, ita ut sicut illi possunt condere Leges ciuiles, & punire transgressores temporalibus pœnis, ita Pontifex possit condere Leges Ecclesiasticas verè obligantes in conscientia, & possit transgressores punire saltem spiritualibus pœnis, ut excommunicatione, suspensione, interdicto, irregularitate.

17. Solent autem ad comprobendam hanc sententiam inter alia, etiam hæc sequentia Scripturæ dicta ab eis citari. Deut. 17. 12. Qui superbierit nolens obedire sacerdotis imperio, qui eo tempore ministrat Domino Deo tuo, ex decreto iudicis morietur homo iste, & auferes malum de Israel. Matth. 16. 19. Quodcunq; ligaueris super terram, erit & ligatum in cælo. Matth. 23. 22. Super cathedra Moysi sederunt Scribæ & Pharisei, omnia quæcunq; dixerint vobis, seruate & facite. Luc. 10. 16. Qui vos audit, me audit. Iob. 20. 21. Sicut misit me pater, ita ego mitto vos. Iob. 21. 15. Pasce oues meas. Act. 15. 28. Visum est Spiritui sancto & nobis, nihil vltro vobis imponere oneris, nisi hæc necessaria, ut abstineatis ab iis, quæ idolis sunt immolata, à sanguine, à suffocato, & scortatione. Rom. 13. 1. Omnis anima potestatibus sublimioribus subdita sit, non enim est potestas nisi à Deo. Quæ autem sunt, à Deo ordinata sunt. Itaq; qui resistit, Dei ordinationi resistit. Qui autem resistunt, ipsi sibi damnationem acquirunt. 1. Cor. 4. 21. Quid vultis in virga

virga veniam ad vos, an in spiritu mansuetudinis? 1. Cor. II. 2.
Laudo vos fratres, quod praecepta mea tenetis. 1. Tess. 4. 2. Scio
tis quae praecepta dederim vobis. Et v. 8. Qui haec spernit, non
hominem spernit, sed Deum, qui Spiritum suum sanctum nobis
dedit. Et 2. Tess. 3. 14. Si quis non obedit verbo nostro, per
epistolam hunc notate, & ne commisceamini illi. 1. Tim. 3. 2.
Unius uxoris virum. 1. Tim. 5. 19. Contra Presbyterum accu-
sationem noli recipere, nisi sub duobus aut tribus testibus. Hebr.
13. 17. Obedite praepositis vestris, & subiaceite illis: ipsi enim
peruigilant tanquam pro animabus vestris rationem reddituri.

18. Quidam eiusdem concilij interpres, duobus praeterea
argumentis, quorum vnum auctoritate Ignatii, alterum concilio-
rum nititur, probare studet praelatos Ecclesiae diuinam auctori-
tatem habere in ferendis legibus, quae nullum habent, vel manda-
tum, vel testimonium in verbo Dei.

19. Bellarminus aliorum Patrum allegat sententias, &
quaedam recitat ex Basilio, Chrysostomo, Ambrosio, Augustino,
Epiphanio.

20. Ad probanda opera indebita seu supererogationis,
varia comportantur dicta, & praecipue citatur illud quod est
Luc. 10. 35. Si quid supererogaueris, reddam tibi cum rediero:
Occurruntq; alia passim in disputationibus Pontificiorum, de consi-
liis & votis.

21. Possunt aliquo modo fieri humana diligentia, & hu-
manis viribus externa opera diuinitus mandata, qualia sunt ope-
ra disciplinae, & gubernatio locomotivae, in Socrate, Aristide,
Numa, Scipione, Pomponio Attico, & aliis non renatis. Sed haec
opera, quia sunt sine vera agnitione & inuocatione Dei, nec prae-
lucet

lucet fides & timor Dei, verè bona haberi non possunt.

22. Iam enim in Definitione efficientiam bonorum operum assignauimus spiritui sancto, qui cum fidem creat in cordibus hominum, & intelligentiam, voluntatem, & membra nostra à Deo auersa inflectit, ut voluntati Dei cognitæ pareant, accendit in eis novos motus, qui sunt renouationis fructus, & fidei quasi comites & testes.

23. Hunc gubernatorem cum non habeant ignari Christi, nec fide inter operandum eò dirigantur, ut obsequium Deo debitum præstent, quæ ab eis fiunt, non debent misceri cum ea obedientia, cuius autorem & ducem dicimus esse Spiritum sanctum.

24. Etsi enim sunt quidam Heroici motus in viris præstantibus etiam non renatis, & hi verè sunt donà Dei, tamen spiritus sanctus in illis tantum esse dicitur, in quibus lucet notitia veri Dei accensa verbo Dei, & fit inuocatio veri Dei.

25. Ab auxilio spiritus, & fide, bonorum operum originem deducendam esse, & non à carne, & naturalibus viribus, agnoscunt etiam veteres verbi diuini interpretes. Nos paucos testes citabimus, quorum doctrina perspecta, quæ fuerit aliorum eisdem vestigiis insistentium sententia conijci potest.

26. Greg. Nazianz. in ea oratione, quam habuit, postquam reuersus est ex agro, post illa, quæ facta fuerunt contra Maximum, ait nullum esse opus gratum aut probatum Deo sine fide, siue fiat inanis gloriæ cupiditate, siue instinctu naturæ, ubi, ut & in fine orationis, de sancto lauacro addit, quemadmodum fides absq; operibus est mortua, ita etiam opus absq; fide esse mortuum. Ἐπειδὴ μὴ τὸ πρῶτον ἔστιν ὁ πνεῦμα, ὡς ἐργα δὲ καὶ πνεῦμα.

27. Augustinus longè omnium luculentissimè hoc quod asseris

asserimus docet, qua de re ipsum loquentem audiemus. Quid
ergo? debemus nulla opera praeponere fidei: id est, ut ante fidem
quisquam dicatur bene operatus. Ea enim ipsa opera, quae dicun-
tur ante fidem, quamvis videantur hominibus laudabilia, inania
sunt. Ita mihi videntur esse, ut magnae vires, & cursus celer-
rimus praeter viam. Nemo ergo computet bona opera sua ante
fidem: ubi fides non erat, bonum opus non erat. Et infra: Ecce
pone aliquem impium peccatorem, non operatur. Quid autem
credit? Credit autem in eum, qui iustificat impium. Ex eo enim
quia non operatur bene, impius est. Et si bona videatur face-
re, tamen quia facit sine fide, nec bona vocanda sunt. Epist. 105.
ad Sixtum: Opera bona fiunt ab homine: fides autem fit in ho-
mine, sine qua illa à nullo fiunt homine. Omne enim quod non
est ex fide, peccatum est. Lib. 1. ad Simp. quaest. 2. Vocantis
est ergo gratia. Percipientis verò gratiam, consequenter sunt
opera bona, non quae gratiam pariant, sed quae gratia pariantur.
Non enim, ut ferueat, calefacit ignis, sed quia feruet: Nec ideo
bene currit rota, ut rotunda sit, sed quia rotunda est. Sic nemo
propterea bene operatur, ut accipiat gratiam, sed quia accepit.
Quomodo enim potest iuste vivere, qui non fuerit iustificatus?
Quomodo sanctè vivere, qui non fuerit sanctificatus? vel omnis
nò vivere, qui non fuerit vivificatus? Lib. 4. ad Iulian, c. 3.
Cum sine fide impossibile sit placere, tibi virtutes sine fide sic
placent, ut eas veras praedices, eisq. bonos esse homines. Isti ergo
qui naturali lege sunt iusti, aut placent Deo, & ex fide placent,
quia sine fide impossibile est placere: & ex qua fide placent, nisi
ex fide Christi? aut si fidem non habent Christi, profectò nec iu-
sti sunt, nec Deo placent, cum sine fide placere impossibile sit. Sed

B

ad

ad hoc eos in die iudicii cogitationes suae defendent, ut tolerabilius puniantur, quia naturaliter, quae legis sunt, utcumque fecerunt. Hoc tamen peccantes, quod homines sine fide, non ad eum finem ista opera retulerunt, ad quem referre debuerunt. Minus enim Fabricius quam Catilina punietur, non quia ille bonus, sed quia ille magis malus &c.

28. Non ergo ideo censenda sunt opera bona, cum fiunt ab hominibus, quia per se bona sunt, & à Deo praecepta: sed necesse est, ut nascantur ex inhabitante Dei spiritu bono, qui ut succus vitalis plantas vegetat ad proferendos fructus, ita ille varias ex homine, in quo domicilium fixit, progignit virtutes ad glorificandum Deum.

29. Ideo etiam discernendum est inter ea, quae per se & suo genere sunt peccata, & ea, quae peccata tantum sunt per accidens. Per se peccatum est, quod fit contra legem, per accidens quod vel concessum est, vel etiam praeceptum à Deo, sed non iis causis, eo modo, animo, fine, quo ille concessit vel praecepit.

30. Quo discrimine observato, quid sentiendum sit de Virtutibus Ethnicorum, & reprehensione eorum operum in populo Dei, quae ipsius Dei voce sunt imperata, siue illa ceremonialis sunt, siue moralia, toties recurrente in scriptura intelligitur.

31. Inchoata per fidem obedientia legis, seu iustitia bonae conscientiae in conuersis placet, non quia sine omni peccato est, & legi satisfacit, sed quia persona recepta est in gratiam, & placet Deo propter filium Mediatorem.

32. Nam ut eorum opera, qui hostes sunt Dei, grata esse non possunt, sicut illud testatur, quod in Tragœdia quadam extat τῶν ἑθνικῶν δῶρα ἄδωρα, καὶ ἔκ' ὀνήσιμα: ita quorum persona reconciliata est Deo, opera placent, & sunt cultus, sicut Paulus inquit

inquit Rom. 14. 18. Qui in his seruit Christo, placet Deo, & probatur hominibus. Coloss. 1. 10. ut ambuletis dignè Domino, & per omnia placeatis, in omni opere bono sanctificantes. 1. Pet. 1. 5. Offerte hostias spirituales acceptas Deo per Iesum Christum,

33. Non enim est iudicio Dei opponenda nostra renouatio, quia in hac vita, quemadmodum in definitione profiteamur, est imperfecta, neque rigorem iudicii diuini ferre potest, si citati ad tribunal & iudicium Dei ea confidere ac niti vellemus. Quod & testimonia allegata in tractatione huius questionis ex Psalmo 18. & 130. & 143. Item ex 7. ad Rom. 1. Cor. 4. 1. Iob. 1. ostendunt.

34. Nec scriptura tantum affirmat, manere peccatum in omnibus hominibus, in hac vita, post regenerationem, sed & experientia ipsa & sensus in quoque monstrat multos morbos nobiscum nascentes, multa interiora mala, caliginem in mente, dubitationes varias de Deo, multas flammulas vitiosorum affectuum, ut illiciti amoris, odij, cupiditatis vindictæ, inuidiæ, æmulationum, multa errata in vocatione, multas prætermisiones officij.

35. Cum ergo tanta sit infirmitas nostra, & meritò turbare nos possit, non tantum præsentis immundiciæ, sed & præteritorum lapsuum conspectus, discamus demissè de nobis sentire, & grata mente agnoscamus & prædicemus immensam bonitatem Dei recipientis nos in gratiam, & approbantis inchoatam obedientiam, quamuis impeditam & contaminatam, propter Mediatorem, qui & intercedit pro nobis assidue, & est umbra culum tegens infirmitatem nostram.

36. Præbent huic nostræ sententiæ etiam ex Patribus nonnulli, testimonium, quod bona fidelium opera ita sint imperfecta, ut in iudicio Dei iustitiæ eius satisfacere non possint, quamuis ex ipsius spiritu fiant, & pulcherrimi sint fidei fructus.

37. Producemus huc Hieronymum, Augustinum, & Bernbardum, qui de sua sententia nobis testabuntur. Ac Hieronymi hęc sunt in Diss. contra Pelag. Cum me putauero ad calcem peruenisse virtutum, tunc habebō principium. Hęc omnibus sola perfectio est, si imperfectos esse se nouerint. Ex Augustino ascribi possent plurima, sed sufficit in presentia pauca designasse. Epist. 29. ad Hier. Quis sine aliquo peccato? Quis ergo sine aliquo vitio, id est, semine quodam, vel quasi sine radice peccati, cum clamet qui supra pectus Domini recumbebat? Si dixerimus, quia peccatum non habemus, nos ipsos decipimus, & veritas in nobis non est. Neq. hoc apud te, sed propter alios, qui fortè hęc legerint, hęc dico. Nam tu quidem in eodem ipso opere splendido contra Iovinianum, etiam hoc de scripturis sanctis diligenter probasti. Lib. de spiritu & litera cap. vlt. Ac per hoc quantum mihi videtur, in ea quę perficienda est iustitia, multum in hac vita ille profecit, qui quàm longè sit à perfectione iustitię proficiendo cognouit. Et infrà. Illud esse consequens video, ut qualem libet, vel quantam libet in hac vita poterimus definire iustitiam, nullus in ea sit hominum, qui nullum habeat omninò peccatum. Bernb. serm. 5. de verbis les. Cernere est, quàm sit iustitia illa sublimis, quam sicut montes Dei Propheta esse miratur: nostra enim (si qua est humilis iustitia, recta forsitan, sed non pura. Nisi fortè meliores nos esse credimus, quàm Patres nostros, qui non minùs veraciter quàm humiliter aiebant: Omnes nostrę iustitię tanq. pannus menstruatus mulieris. Quomodo enim pura iustitia, ubi adhuc non potest culpa deesse?

38. Hypocritarum alia est opinio, qui se legi satisfacere, se iustos, id est, acceptos esse Deo propter propriam dignitatem, seu

Jeu legis impletionem putant, & in hac sententia confirmantur, cum rebus secundis & florentibus omnia ad voluntatem eorum fluunt, tumq; arbitrantur se virtutum & diligentiae suae fructum capere diuinitus, cum res sint tranquille.

39. Ad stabiliendum dogma de impletione legis, & merito operum, unde quaq; conquiruntur rationes. Ac ut illud contineri in scriptura fides fiat minus attento lectori, testimonia inde plurima depromuntur, quorum nos aliquot collegimus.

40. Gen. 7. 1. Dixitq; Dominus, ingredi tu, & omnis domus tua in arcam: te enim vidi iustum coram me in generatione hac. 15. 1. Noli timere Abram, ego protector tuus sum, & merces tua magna. 17. 1. Ego Dominus omnipotens, ambula coram me, & esto perfectus. 22. 18. Per memetipsum iuravi, dicit Dominus, quia fecisti hanc rem, & non pepercisti filio tuo vnigenito propter me, benedicam tibi. Leuit. 5. 4. Anima quae iurauerit, & protulerit labijs suis &c. agat poenitentiam pro peccato. Custodite leges meas atq; iudicia, quae faciens homo viuet in eis. Deut. 18. 13. Perfectus eris, & absq; macula cum Domino Deo tuo. 28. 1. Si audieris vocem Domini Dei tui, ut facias atq; custodias omnia mandata eius, quae ego praecipio tibi hodie, eris benedictus. 30. 6. Circumcidet Dominus Deus tuus cor tuum, & cor seminis tui, ut diligas Dominum Deum tuum in toto corde tuo, & in tota anima tua, ut possis viuere. 32. 4. Dei perfecta sunt opera. Ios. 11. 15. Sicut praeceperat Dominus Mosi seruo suo, ita praecepit Moses Iosua, & ille vniuersa compleuit: nec praeterijt de vniuersis mandatis, nec vnum quidem verbum, quod iusserat Dominus Mosi. 1. Sam. 2. 30. Honorantes me honorabo, & contemnentes me erunt ignobiles. 1. Reg. 14. 8. Non fuisti sicut seruus

meus David, qui custodiuit mandata mea, & secutus est me in toto corde suo, faciens quod placitum esset in conspectu meo. 15.3. Non erat cor eius perfectum cum Domino Deo suo, sicut cor David patris eius. 2. Reg. 23.25. Similis illi non fuit ante eum Rex, qui reuerteretur ad Dominum in omni corde suo, & in tota anima sua, iuxta omnem legem Moysi. 2. Paral. 7.14. Si conuersus populus egerit poenitentiam à viis suis pessimis, & ego exaudiam de cælo. 15.7. Vos ergo confortamini, & non dissoluantur manus vestrae: erit enim merces operi vestro. Iob 1.1. Vir ille erat perfectus & rectus, timens Deum, & recedens à malo. Psal. 1.1. Beatus qui non ambulat in consilio impiorum. 7.9. Iudica me Domine secundum iustitiam meam, & secundum innocentiam meam, quæ est in me. 15.1. Domine, quis commorabitur in tabernaculo tuo? quis habitabit in monte sancto tuo? qui incedit integer, & facit iustitiam. 18.20 Rependet mihi Iehoua secundum iustitiam meam; secundum puritatem manuum mearum retribuet mihi. 25.18. Vide afflictionem meam & laborem meum: & remitte omnia delicta mea. 41.1. Beatus qui intelligit super egenum & pauperem, nam in die calamitatis liberabit eum Iehoua. 106.3. Beati qui ius obseruant: & quisquis se iuste gerit omni tempore. Et v.30. Affuit Phinees, & vendicauit scelus, et cohibita est plaga. Et imputatum est ei ad iustitiam, in generationem & generationem usque in seculum. 119.32. Viam mandatorum tuorum percurri. Et v.69. Concinnauerunt super me mendacium superbi: ego autem toto corde custodio mandata tua. Prou. 10.12. Vniuersa delicta operit charitas. Et v.16. Opus iusti ad vitam. 11.4. Iustitia liberat à morte. & v.18. Seminanti iustitiam merces fidelis. 16.5. Beneficentia & fide expiatur iniquitas. Ies. 1.17. Discite benefacere, querite iudiciū, subuenite oppresso, iudicate pupillo, defendite viduam

viduam : si fuerint peccata vestra vt coccinum &c. Et 38. 3. Mei-
mento quaeso, quomodo ambulauerim coram te in veritate, & corde
perfecto, Ierem. 31. 23. Dabo legem meam in visceribus eorum, & in
cordibus eorum scribam eam. Ezech. 18. 9. Si in praeceptis meis am-
bulauerit, & iudicia mea custodierit, vt faciat veritatem, iustus est,
vita viuet. Et v. 22. In iustitia sua, quam operatus est, viuet. 26. 27.
Spiritus meum ponam in medium vestri, & faciam, vt in praeceptis
meis ambuletis. Dan. 4. 24. Peccata tua eleemosynis redime, &
iniquitates tuas misericordis pauperum. 6. 22. Deus misit An-
gelum suum, & conclusit ora leonum, quia coram eo iustitia inuenta
est in me. Tob. 4. 11. Eleemosyna ab omni peccato, & à morte libe-
rat. Sap. 5. 16. Iusti in perpetuum viuent, & apud Dominum est
merces eorum. Syr. 3. 33. Ignem ardentem extinguit aqua, & elee-
mosyna expiat peccatum. 6. 15. Omnis misericordia faciet locum
vnicuique secundum meritum operum suorum. 18. 22. Ne verearis
vsq; ad mortem iustificari, quoniam merces Dei manet in aeternum.
Atq; haec ex veteri Testamento fuerunt, sequuntur ex nouo.

41. Matth. 5. 3. Beati pauperes spiritu &c. Et ver. 12.
Merces vestra copiosa est in caelis. Et v. 20. Nisi abundauerit
iustitia vestra plusquam Scribarum & Pharisaorum, non in-
trabitis in regnum caelorum. Et v. vlt. Estote perfecti. 6. 14.
Si remiseritis hominibus peccata eorum, remittet & vobis Pater
vester caelestis delicta vestra. 7. 21. Qui facit voluntatem Pa-
tris mei, ipse intrabit in regnum caelorum. 10. 42. Qui potum
dederit vni ex minimis istis, non perdet mercedem suam. 11.
30. Iugum meum facile est, & onus meum leue. 16. 27. Veniet
cum Angelis suis, & reddet vnicuique secundum facta eius.
19. 17. Si vis ad vitam ingredi, serua mandata. v. 29. Qui re-
liquerit domum &c. centuplicia accipiet, & vitam aeternam
posside.

possidebit. 20. 8. Voca operarios, & redde illis mercedem.
 25. 34. Venite benedicti patris mei, possidete regnum paratum
 vobis. Esuriui enim, & dedistis mihi quo vescerer &c. Luc. 1.
 6. Erant iusti ambo ante Deum incedentes in omnibus manda-
 tis, & iustificationibus Domini, sine querela. 6. 38. Eadem
 mensura, qua mensi fueritis, remetietur vobis. 7. 57. Remit-
 tuntur ei peccata multa, quoniam dilexit multum. 10. 28. Hoc
 fac, & viues. 11. 41. Ea, quae adsunt, date in eleemosynam: &
 ecce, omnia erunt vobis pura. 12. 47. Seruus qui cognouit vo-
 luntatem Domini sui, nec fecit, vapulabit multis. 16. 9. Facite
 vobis amicos de mammona iniquitatis, vt recipiant vos in aeterna
 tabernacula. Iob. 5. 29. Et procedent, qui bona fecerunt in re-
 surrectionem vitae. 8. 51. Si quis sermonem meum seruauerit, mor-
 tem non videbit in aeternum. 14. 21. Qui diligit me, diligetur a
 patre meo. 15. 10. Si mandata mea seruaueritis, manebitis in di-
 lectione mea. 17. 6. Sermonem tuum seruauerunt. Actor. 10.
 4. Orationes tuae & eleemosynae tuae ascenderunt in memoriam
 in conspectu Dei. v. 35. In omni gente qui timet eum, & opera-
 tur iustitiam, acceptus est ei, 14. 21. Per multas tribulationes
 oportet nos intrare in regnum Dei. Rom. 2. 7. Reddet eis, qui
 perstant, boni operis gloriam. v. 13. Non auditores, sed factores
 legis iusti sunt. 8. 13. Si facta carnis mortificaueritis, viuetis.
 v. 24. Spe saluati sumus. 10. 10. Ore fit confessio ad salutem.
 13. 8. Qui diligit proximum, legem impleuit. 1. Cor. 3. 8. Vnus-
 quisque propriam mercedem accipiet secundum suum laborem. Et
 13. 13. Maxima horum charitas. 2. Cor. 4. 17. Momentanea le-
 uitas oppressionis nostrae aeternum pondus gloriae nobis conficit.
 5. 2. Superinduemur, si tamen vestiti, non nudi reperiemur. v.
 10. Quisq[ue]

7. 10. Qui secundum Deum dolor est &c. 13. 11. Perfecti estote.
Gal. 6. 8. Quæ seminauerit homo, hæc & metet. Ephe. 5. 27. Ut
sisteret sibi gloriosam ecclesiam non habentem rugam, aut macu-
lam. Philip. 2. 12. Cum timore & tremore salutem vestram ope-
ramini. 3. 15. Quicumq; perfecti sumus, hoc sentiamus. 4. 13.
Omnia possum in eo qui me corroborat. Coloss. 1. 22. Ut sitis irreo-
prehensibiles. v. 28. Ut exhibeamus omnem hominem perfectum
in Christo. 3. 14. Charitas est vinculum perfectionis. v. 24. A Do-
mino accipietis retributionem hereditatis. 2. Theß. 1. 5. Ut digni
habeamini regno Dei. 1. Tim. 6. 14. Ut serues mandatum sine
macula. v. 19. Diuites recondant sibi fundamentum bonum in
posterum. 2. Tim. 4. 8. Reposita est mihi corona iustitiæ. Item,
Hebr. 6. 10, 12. 11. 26. 13. 16. Iacob. 1. 12, 25. 2. 21, 22, 24. 1. Pet. 1. 17.
4. 8, 14. 2. Pet. 1. 10. 1. Ioh. 3. 7, 14, 19. 4. 16. 5. 3. 2. Epist. v. 8.
Apoc. 2. 10. 3. 4. 7. 14, 15. 11. 18. 14. 13. 19. 8. 20. 12. 22, 12.

42. Quia prolixum est adducere ex Patribus quæ Iesuitis
& aliis allegantur, indicem solum monstrauius, ex quo intelli-
getur, quid sit legendum eis, qui non ex citationibus, quæ sæpe
mendosæ sunt, sed ex ipsa inspectione autorum rem cognoscere
cupiunt.

43. Legendi ergo sunt ex Græcis Ignatius epistola ad Rom.
Irenæus lib. 4. c. 71. Iustinus martyr Apolog. 2. Clemens Alex-
andrinus lib. 1. Strom. Origenes in cap. 15. ad Rom. lib. 2. con-
tra Celsum. Eusebius Cæsar, lib. 1. Præparat. Et 6. Demonst.
Euangelicæ. Athanasius lib. de human. verbi, & serm. de passio-
ne & cruce Domini. Basilii lib. de virginit. lib. 2. de spiritu
sancto. Epiphanius hæresi 48. Chrysostomus homil. 8. de pœ-
nitent. 4. de Lazaro. 2. in epist. ad Philip. 19. ad Hebr. Cy-
rillus

rillus Alexand. 3. contra Iulianum. G. Nazianzenus 1. in Iulian. & serm. de Baptismo. Ex Latinis Tertul. lib. de resurrectione carnis. Cyprianus de disciplina, & habitu virginum. Hilarius in Psalm. 118. Ambrosius lib. 1. de officiis, & lib. de viduis. Hieronymus lib. utroq. contra Iovinian. & 3. contra Pelagian. Augustinus epist. 105. ad Sixt. lib. de nat. & grat. c. 43. in Enchir. c. 121. serm. 18. de verbis Apostoli. Prosper in responso ad cap. obiect. Gallor. Gregorius lib. 4. moral. c. 42. Bernhardus serm. 68. in cantica.

44. Diligenter cauenda sunt insidiae à quodam Leschaleo nuper structae veritati, qui ut incautis facilius imponat, magnam sibi permittit in nouandis vocibus audaciam, & dum ita ludit, affirmat propter noui hominis ^{ᾧ πε λέχεται} seu actum primum ^{δικαιοπραγίαν}, vel qualitatem, ut ille loquitur, patibilem, in quam fides nobis tributa transeat, gigni intra nos actus secundos, hoc est, opera bona, ob quae apud Dei tribunal aeternam vitam obtineamus.

45. Nec tamen ideo negligenda sunt opera bona, quia merito satisfactionis filij Dei acceptam ferimus donationem vitae aeternae, ut neq. audiendi sunt antinomi, qui vociferantur bona opera esse ^{ἁδίαφορον} quiddam, quod praestitum quidem non improbet, omissum verò non requirat Deus, vel etiam impudentius hac barbarica hyperbole vtuntur, in qua dicitur, bona opera esse perniciose seu officere saluti.

46. Nam siue obligatio spectatur, siue excellentia finium, quos aspicere, inter bene agendum debemus, magnae se offerunt causae, quarum cogitatione flectendus est animus, ut certò statuatur iustitiam bonorū operum necessariò sequi debere reconciliationem.

47. Ac Deo multis modis obligati sumus. Nam ille

¶

& Creator noster est, & Dominus, & Pater, & Benefactor.
 Est autem hæc æterna & immutabilis ordinatio Dei, ut creatura
 rationalis creatoris Dei voluntati, certo & expresso verbo reue-
 lata, obtemperet. Filius honorat Patrem (Malach. 1, 6.) Et
 seruus Dominum suum: Si pater sum ego, ubi honor meus est?
 Et si ego Dominus, ubi timor mei? dicit Dominus exercituum
 ad vos, o Sacerdotes, qui contemnitis nomen meum. Et qui ino-
 grati sunt benefactoribus, meritò exosi sunt etiam Ethnicis.
 Agesilao tale præbet testimoniū Xenophon in orat. de ipso habita.
 Ἐμίσθ' ἐῖς τὸ εὐφρατῆριν & ἀχάρις φάνητο. Et i. παιδάς Cyri
 de Persis ita scribit: Ὅς ἂν γινώσκῃς δυνάμενός μιν χάριν ἀποδιδόναι,
 μὴ ἀποδιδόντα δὲ, κολάζει καὶ τῶτον ἰχυρεῶς. Οἰονταὶ γὰρ τὸς
 ἀχαρίστους, καὶ πρὶ θεῶν ἂν μάλιστα ἀμελῶς ἔχειν, ὡς περὶ γονέας,
 & πατρίδα, & φίλους.

48. Atq; hæc est necessitas debiti seu mandati, de qua op-
 tandum esset omnes, qui Deo nomen in Baptismo dedere, cum
 semper, tum maximè, cum aliqua offert se peccandi occasio, cogi-
 tare. Quam ad rem, ut magis extimulemur, memoriæ ita firmi-
 ter imprimantur hæc dicta, ut inde nunquam deleantur. 1. Sa-
 muel. 15, 22. Melius est audire, quàm sacrificare, & melior est
 auscultatio, quàm adeps arietum. Quoniam peccatum magis
 est apostasia siue rebellio, & vanitas idololatryæ indurare animū,
 & nolle obsequi. Ies. 58, 6. Nonne hoc est ieiunium quod elegi, ut
 dissoluas colligationes impietatis, soluas fasciculos graues, &
 omne iugum dirumpatis? nonne ut frangas esurienti panem
 tuum, & pauperes vagos introducas in domum? cum videris
 nudum, operias eum, & à carne tua non abscondas te. Hos. 10, 12.
 Seminate vobis in iustitia, metite iuxta misericordiam. Rom. 8,
 12. Debites sumus non carni, ut secundum carnem vivamus.

C 2

Nam

Nam si secundum carnem vixeritis, moriemini: Si verò spiritu opera carnis mortificaueritis, viuetis. 1. Cor. 6. 19. Non estis vestri iuris. Redempti enim estis precio. 1. Theß. 4. 3. Hæc est voluntas Dei, sanctificatio vestri, vt abstineatis à scortatione, & sciat vnusquisq; vestrũ vas suum possidere cum sanctificatione & honore.

49. Vt autem ad imitationem Dei, cui illa mandati necessitate ad obediendum obstricti sumus, alacrius nos præparemus, in ipso proponitur nobis exemplum, quod intueamur. Leuit. 11, 44. Et 19, 2. Sancti estote, quia ego sum sanctus, Matth. 11, 29. Discite à me, quia mitis sum & humilis corde. Luc. 6, 36. Estote misericordes, sicut pater vester cælestis est misericors. Iohan. 13, 14. Itaq; si ego laui pedes vestros, Dominus & Præceptor, vos quoq; debetis alij aliorum pedes lauare. 15. 12. Hoc est mandatum meum, vt alij alios diligatis, sicut ego dilexi vos. Philip. 2, 5. Is affectus sit in vobis, qui fuit in Christo Iesu. 1. Pet. 2, 21. Christus pro nobis passus est, relinquens nobis exemplar.

50. Cùm huic studio obtemperandi Deo, in exercendis operibus ab ipso mandatis, dediti sumus, fructus percipimus longè dulcissimos, quorum dignitate & præstantia qui non mouetur, ne hominis quidẽ titulo dignus est, nedum filij Dei.

51. 1. Ita confirmamur de fide qua inserimur in Christum, & in eo seruamur, ac sentimus efficaciam spiritus sancti in nobis habitantis, nos regenerantis & ducentis, testantis vnà cum spiritu nostro nos esse filios Dei, ac nos benè sperare de promissa hereditate iubentis. Qua de re plurima suppeditat testimonia verbum Dei. Matth. 7. 17. Omnis arbor bona fructus bonos edit. Rom. 10, 9. Vos non estis in carne, sed in spiritu, si spiritus Dei habitat in vobis.

in vobis. 14. Qui spiritu Dei aguntur, hi filij Dei sunt. Item,
Eph. 3,6. 2. Tim. 1,6. 1. Iob. 1,6,7. & 3,24. & 4,12. 2. Pet.
1,8,10. Hebr. 3,14. Talem te prępara, inquit Bernhardus, de
interiori domo c. 5. vt tecum adsit Deus : sit in ore : sit in corde :
semper tecum eat : tecum redeat : nec recedat a te.

52 2. Ita vitamus horrendas illas pęnas, quas Deus mi-
natur eorum animabus & corporibus, qui ipsius legem petulante
ter violant. Psal. 39,11. Corceptionibus propter iniquitatem ca-
stigas homines, & tabescere facis, quasi tineę, elegantiam eius.
146,9. leuauit viam impiorum disperdit. Prouerb. 13,6. Impie-
tas peruertit peccatorem. 14, 32. Propter malitiam suam expellis-
tur impius. Iob. 11, 20. Oculi impiorum deficient, ac spes eorum
erit dolor animę. 1. Cor. 11,31. Si nos diiudicaremus, non puni-
remur. Dum punimur autem, a Deo corripimur, ne cum mundo
condemnemur. Coloß. 3,6. Ob hoc venit ira Dei in filios contu-
maces.

53. 3. Sic expectare possumus pręmia temporalia & æteri-
na, nobis fideliter laborantibus, ex gratuito pacto, promissa a
Deo, qui non est vanus in suis promissis. Venit mihi in mentem
hic insignis locus apud August. in fine capitis sexti. Iohannes,
inquit, pręcursor Domini nostri ait, non potest homo accipere
quicquam, nisi ei datum fuerit de cęlo. Si ergo Dei dona sunt
bona merita tua, non Deus coronat merita tua, tanquam merita
tua, sed tanquam dona sua. De hoc fructu insignis est concio
Psalm. 112. quam concionem Paulus in summam contrahit,
1. Tim. 4. 8. Pietas ad omnia utilis est, habens promissionem prę-
sentis & future vite.

54. 4. Sic ornamus nostram professionem, ostendimus nos
renun-

renunciassē Sathanae hosti Dei, testamur nos socios esse castissimorum spirituum in cœlo, & omnium timentium nomen Dei in terra, exemplo edificamus proximum, & officijs subleuamus. Philip. 2. 15. ut sitis irreprehensi & synceri, Dei, inquam, filij inculpati in medio nationis prauae & peruersae, inter quos lucetis, sicut luminaria in mundo. 1. Thes. 5, 6. Ne dormiamus, ut reliqui, sed vigilemus, & sobrii simus. Psal. 119. 63. Socius sum omnium timentium nomen Domini, & custodientium mandata eius. 1. Cor. 10, 32. Estote sine offendiculo, & Iudaeis, & Graecis, & Ecclesiae Dei. 2. Cor. 6. 3. Nullam vlla in re praebentes offensionem, ne vituperetur ministerium. 1. Pet. 2, 12. Pro eo quod loquuntur aduersus vos, velut maleficos, ex bonis operibus quae spectarint, glorificent Deum die visitationis.

55. Hoc bonorum operum iter vera in Deum fiducia constanter tenentes, & atroces lapsus, qui contra conscientiam fiunt, & gratiam ac spiritum sanctum excutunt, cauentes, rectā progrediuntur ad requiem, quam in cœlo assequuntur, ubi letissimo Dei conspectu perpetuò fruuntur.

56. Atq; hac de bonis operibus ad gloriam Dei, & nostram & aliorum aedificationem, hoc tempore, dicta sint. Faxit Omnipotens Deus, Pater Domini nostri Iesu Christi per spiritum sanctum, ut in hac doctrina perstemus, & quò melius intelligimus nos ex nuda professione fidei, quae testimonium ex fructibus suis non habet, nihil inuari, eò studiosius Deo nostro seruiamus, ipsiusq; Praeceptis obediamus.

F I N I S.



flijs
 dei in
 amas.
 m, filij
 lucis,
 de rellis
 us sum
 ata eius.
 ecis, &
 offensus
 quod lo
 bus qua

ucia cons
 am fiunt,
 etia pros
 letissimo

& nos
 Faxit
 er spiri
 intellis
 fructu
 cruce

